

Dili Post

Habelar No Haburas Demokrasi



PASU 4 PROTEJE AAN HUSI COVID - 19

1. Mantein Distansia Sosial
2. Hadook Aan Husi Publiku
3. Uza Maskra
4. Evita kaer Oin, Matan, Ibut no Inus

2 Langkah Terbaru Ukraina Mulai Kompromi dengan Rusia >>Le'e Pajina..9

SESTA, 11 MARSU 2022

Edisaun :630/11/2022. 8 Pajina. Folin U\$. 50 Centavus

Lu Olo Re Eleitu Ba PR Sei Kombate Korupsaun



LAUTEM (DILI Post) - Kandidatura sorteiu 6, Francisco Guterres 'Lu Olo' halao kampana ba dala sanulu iha eis Kazerna 7445 Lospalos kompremete bainhira re eleitu ba Prezidenti Republika (PR) sei kombate Korupsaun iha Rai laran.

"Ho Prezidenti Republika mai ita hamutuk kombate korupsaun iha ita nia rai laran, tanba korupsaun moras at ida iha ita nia rai, halo kiak ita nia rai no halo kiak ita nia povu," hateten Kandidatura sorteiu 6 ne'e iha eis Kazerna Lospalos, Kinta (10/03).

Ne'e duni, nia sei hamutuk ho instituisaun estadu ninian kombate korupsaun ida ne'e, hodi asegura nafatin transparansia fiar ba buat hotu-hotu halo ba povu no rai ida ne'e.

Aliende ne'e, nia re eleitu sei kaer metin nafatin sustentabilidade ba povu hodi haburas dezentvolvimentu ba nasaun ida ne'e.

Nune'e mos kona ba osan fundu minerai nian bainhira Parlamentu Nasional aprova atu hadia povu nia moris, hadia eskola, hadia ekonomia, hadia saude para bele garante sustentabilidade ba povu hotu.

Kandidatura sorteiu 6 ne'e mos relata liu husi nian mandatu hetan promulgasaun ba dekretu lei Governu nian, aumenta osan ba terseira idade, Xefe Suku no xefe aldeia sira. (Jimm)



Prezidente Partidu CNRT, Kayrala Xanana Gusmao Akompana Kandidatura Prezidente Periodu 2022-2027 Jose Ramos Horta, iha Maliana.

Xanana 'Fiar' Horta Sei Manan Primeira Ronde

MALIANA (DILI Post) - Prezidente Partidu CNRT, Kayrala Xanana Gusmao 'fiar' kandidatu Prezidente Republika, Jose Ramos Horta sei manan iha primeiru ronde.

Molok hahu kampaña lideransa masimu CNRT ne'e akompana nia manu manan ho numeru sorteiu sanulu resin

haat ne'e (14) hare ba partisipasaun husi militante no apointes sira. Nune'e, kampaña iha Maliana Vila, Kinta (10/03) horseik,

polulasaun kuaze rihun lima resin, lao sai husi ida-idak uma hodi akompana lideransa karismatiku Kayrala Xanana Gusmao ho kandidatura Jose Ramos Horta. Iha fafatin kampaña Xanana hare ho populasaun Munisipiu Bobonaru, postu Atabae, Balibo, Kailaku, Lolotoe, Bobonaru ho Maliana vila halibur populasaun rihun

lima resin ne'ebe konsentra iha Maliana Vila haklaklak no kontente simu Premiadu Nobel ba Paz atual kandidatu Prezidente Ramos Horta. Iha kampu GOR Maliana, Xanana fanu rai nain Maliana hader hodi hamutuk ho povu rihun lima resin fo apoiu ba kandidatura Jose Ramos Horta manan iha primeiru ronde. >>Le'e Pj...11

Kandidatu PR Foka De'it Programa Labele Hatun Malu

DILI Post - Kampaña ba eleisaun Prezidente ne'ebe lao dadaun iha rai laran, Kandidatu Prezidente Republika (PR) sira labele hanoin hatun malu bebeik presiza foka de'it ba programa.

Sujestaun ne'e Diretor Interinu Organizaun Naun Govemental Fundasaun Mahein (FM) Sancho Xavier, hato'o tanba observasaun FM identifka krime eleitoral

barak akontese iha Munisipiu Baucau, Manufahi no Vikeke.

Situasaun hirak ne'e mosu tan kandidatu PR periodu 2022 -2027 balun tun ba halo kampaña buka hatun malu.

Nune'e, Diretor FM Sancho Xavier husu ba kandidatu Prezidente periodu 2022 atu foka de'it ba programa, la'os ba sukut malu hodi kria

instabilidade.

"Ita haree bainhira kandidatu sira kuandu la sensevel ho paz, ne'e iha de'it sira nian hanoin ka'alia mak buat ida insultu malu, ida ne'e bele provoka emosionalmente, bele mosu konflitu," dehan Sancho ba jornalista, iha knar fatin, Bairu dos Grilos-Dili, Kinta horseik.

Aliende ne'e FM fo hanoin ba kandidatu sira tenke

aprezenta sira nian komisiu liga ho opsau politiku ne'ebe karik eleitu sai PR sira bele buka alternativu ba problema ne'ebe povu hasoru.

"La'os ona tempu iha komisiu politiku ida ne'e, ita prezenta fali buat ne'ebe liga ho krize ne'ebe bele afeita ba estabilidade ida ne'e," afirma direktor FM ne'e. (pogo)

OPINIAUN Mídia ba Interesse Públiku, La'os Interesse Polítiku



Husi Francisco J Almeida (Qeque)

Mídia nu'udar meu ka kanál informasaun ne'ebe utiliza hodi tatoli informasaun ou mensajen nomós nu'udar ai-riin da-haat Estadu nian hodi halo funsaun kontrolu sosial hodi garante interesse públiku no sai ponte entre autoridade estadu no sidadaun sira liuhusi publikasaun notisia no programa sira. Liafuan Mídia mai husi lian Latin ne'ebe forma plural katak "Medio (Medium)" signifika maklori entre mensajen sira ho modelu rua, Komunikadór no komunikan, Komunikadór mak ida-ne'ebe hato'o mensajen no komunikan mak ida-ne'ebe simu mensajen. Tuir Association of Education Communication Technology (AECT) ho definisaun, mídia, nu'udar forma no kanál hotu >>Kont Pj.....10

Governu Distribui Nesesidade Bazika Ba Vitima DN Iha Ambeno

DILI Post-Governu liu husi Vice Ministru Interior, Antonio Armindo, hamutuk ho Direasaun Servisu Munisipal Protesaun Sivil Jestaun Dezastre husi Sekretaria Estadu Protesaun Sivil, distribui nesesidade bazika ba vitima Dezastre Natural (DN) iha Rejiaun Administrativa Especial Oé-Cusse Ambeno.

Iha distribuisaun ne'e Vice Ministru Interior, Antonio Armindo hateten ho DN ne'ebe durante ne'e akontese sira sempre servisu hamutuk

>>Le'e Pj...11

Menzies- MS Asina MoU Ba Tinan Tolu

"Ami nia prezensa iha Timor-Leste ne'e ajuda ona hodi planeia, kolabora no hala'o ami nia peskiza no mós preparadu ho di'ak hodi suporta no hasa'e kapasidade funsionáriu lokál sira nian," haktuir Cass.

>>Le'e Pj...2

SEFOPE Haruka Tan Trabalador 73 Ba Servisu Iha Australia

"Hato'o ba familia trabalador sira, liu-liu inan-aman sira, atu kuidadu oan sira no osan ne'ebe oan sira haruka mai, tenke utiliza ho didiak, hodi bele fo vantazen ba oan sira nia future,"

>>Le'e Pj...3

Candidu : "Ami Kolen Ona Fo Votus Ba Partidu Bo'ot Sira"

"Agora ami lakohi ona atu hili raksasa sira ne'e tan ita hili sira manan tiha kondisaun nune'e nafatin, ho ida ne'e ba oin ami hakarak hili partidu ne'ebe ki'ik para sira sai boot sira bele foti ita husi terus no susar,"

>>Le'e Pj...3

GSA PT Citilink Indonesia/Garuda Group
 Office : Airportu International Presidente Nicolao Lobato
 Dili/Fomento Delta/Divita Group.
 Mobile : +67077241156
 Email : corrottrans@gmail.com

Menzies- MS Asina MoU Ba Tinan Tolu



DILI Post - Atu kontinua servisu hamutuk hadi'a saude publiku iha Timor-Leste Menzies School of Health Research (Menzies) no Ministériu Saude (MS) asina ona Memorandu de Entendimentu (MoU) ho durasaun tinan tolu. MoU foun ne'e signifikativa katak Menzies no MS sei kontinua servisu hamutuk durante tinan tolu tan, hodi halibur evidensia ne'ebé sientifiku, permite tomadores desizaun sira atu asesu ba informasaun no dadus ne'ebé atual, atu ajuda informa dezinvolvimentu politika foun.

Ho MoU ne'e Ministra Saude, Odete Maria Freitas Belo hateten Menzies hanesan instituisaun peskiza saude ida ne'ebé mak internasionalmente rekonosidu, ne'ebé mak dezenvolve ona relasaun di'ak durante tinan barak nia laran ho profesionál saude iha MS.

"Ha'u hakarak atu konti-

nua nafatin haforsa relasaun parseria no kooperasaun ne'ebé di'ak entre instituisaun rua liu husi renovasaun ba Memorandu de Entendimentu ida ne'ebé estabese hela, ho espetativa atu buka Menzies nia abilidade atu tulun ita hodi rekolla evidensia sientifiku balun ne'ebé mak prezisa hodi guia politika no foti desizaun, atu bele kontrola moras hada'et sira iha Timor-Leste, no mos kapasita ita nia rekursu umanu relasiona ho asistensia medika no mos prevene moras infesaun sira," retala Ministra Odete liu husi komunikadu ne'ebé Dili Post asesu husi Menzies, Kinta (10/3).

Nune'e mos Profesór Asosiadu Joshua Francis husi Menzies iha Timor-Leste, agrade tebes ba oportunidade hodi servisu hamutuk ho MS no ko'alia konaba dedikasaun ne'ebé klaru hodi kombate moras infesiozu sira no hadiak liu tan saude iha

Timor-Leste. "Husi pandemia COVID-19, Timor-Leste hatudu ona impaktu husi efikasida parseria nian entre laboratoriu, saude publiku no doutor sira, hodi kombate dezafiu iha fator saude nian," hateten Prof. Francis.

Ne'e duni, nia dehan uza peskiza hanesan instrumentu ida, no foka mos kona-ba hasa'e kapasidade lokal no lideransa, ida ne'e posivel atu aplika prinsipiu sira ne'ebé hanesan hodi kombate moras infesaun sira seluk hanesan TB, HIV, dengue no pneumonia labarik," hateten A/Prof. Francis. Aliende ne'e Diretor Menzies Professor, Alan Cass AO hateten estabese eskritoriu Menzies nian ida iha Timor-Leste iha 2019, ne'e fó benefisiu ba parte rua.

"Ami nia prezensa iha Timor-Leste ne'e ajuda ona hodi planeia, kolabora no hala'o ami nia peskiza no mos preparadu ho di'ak hodi suportu no hasa'e kapasidade

fursionariu lokal sira nian," haktuir Cass.

Nia hatutan, liu husi servisu hamutuk, sira bele kompriende di'ak liu tan nesidade Timor-Leste nian no dezenvolve programa servisu no peskiza ne'ebé mak koresponde ba komunidade nia nesidade ne'ebé ho prioridade a'as no parseiru servisu saude sira.

"Ida ne'e demonstra ami nia dedikasaun, no signifikativa katak ita bele realiza kompletamente ita nia parseria kle'an liu tan ho Timor-Leste," tenik Cass.

Nia mos relata kona ba projetu Menzies iha Timor-Leste ne'e projetadu atu hasa'e kapasidade iha area klinikal, vijilansia no laboratoriu, subliña kona-ba importansia husi sistema saude nian hala'o servisu hamutuk hodi mellora resposta ba moras hada'et sira, tantu ba iha pasiente individual no nivel saude publiku. (**)

UNPAZ Produs Rekursu Humanu 13 Mill

DILI Post- Universidade da Paz (UNPAZ) iha tinan 2022 kompleta ona tinan 18 no produs ona Rekursu Humanu hamutuk 13 mill ital.

Reitor Universidade da Paz, Adolmando Soares Amaral hatete, durante iha tinan 18 nia laran, universidade ida ne'e fo ninia kontribuisaun maka'as ba povu no ba rai doben Timor-Leste (TL), "Hahu hosi 2007 to'o mai iha tinan 2021, ita produs ona rekursu humanu hamutuk ema nain 13 mill ital," Adolmando Soares Amaral ba jornalista, iha Osindo, foin lalais ne'e.

Liu hosi rekursu humanu ne'ebé mak ita produs bele halo buat ruma ne'ebé diak ba rai ida ne'e nomos bele kontribui ba povu nia moris diak.

Tanba, atu halo dezin-



volvimentu ba rai ida ne'e, ema hotu-hotu tenke tau forsa hamutuk atu halo

dezinvolvimentu no atu bele kore povu husi kiak. "UNPAZ kontinua hola

(ary)

papel importante ba iha prosesu dezinvolvimentu no prosesu ba moris diak povu nia," dehan nia. Nia relata mos konaba estudante foun ne'ebé mak tama iha Universidade da Paz iha tinan 2022 hamutuk ema nain 12 mill ita no prosesu apredizajem agora kontinua lao hela ho normal.

Nelson Husu Povu TL Vota ba LAT, Tanba Promove Dialogu

DILI Post-Eis Ministru Saude, Nelson Martins Eis Ministru Saude husu ba povu Timor Leste atu vota ba Lere Anan Timur tanba promove dialogu.

Nia dehan, Nasaun Timor-Leste durante ne'e moras todan hela, tanba de'it lider sira nunka tuur hamutuk. Nune'e, Kandidatura

ho numeru sorteiu 8 mosu hakarak promove dialogu.

"Aman Lere hakarak bolu hikas lider sira durante ne'e nunka hamutuk, entaun nia hakarak sai Prezidente Republika atu lori ema hotu hamutuk, maun, no aman sira ukun ona durante ne'e, mais impasse seidauk bele hakotu, povu seidauk sente moris

dignu iha ukun an iha tinan 20 nia laran," dehan Nelson Tuir Nia, Jeneral Lere sei mai promove dialogu, entre lider sira, no Nasaun.

"Ita nian moras todan, tanba lider sira la iha dialogu, tanba ne'e nia mai promove dialogu," dehan Nelson.

Nune'e mos Kandidatu numeru 8, Lere Anan Timur

hateten, Suai sei kiak lao ba bebeik tanba Lider sira ne'ebé ukun la tur hamutuk, tan ne'e nia mak ukun sei lori sira tuur hamutuk.

"Se Lider ida mak lakohi hamutuk mos, Timor-Leste la'os ema idak-idak ninian, la'os grupu ida nian," afirma Lere. (nicky)

Osório Husu Povu Maliana Asegura Votu Ho Didiak

MALIANA (DILI Post)- Kordenador Ekipa Sussesu kandidatura Prezidente Republika (PR), Isabel da Costa Ferreira, Osório Laque husu povu suku Ritabou, Postu Administrativu Maliana, Munisipiu Bobonaro, atu asegura votu ho didiak iha eleisaun prezidensial.

"Povu tenke fo perioridade ba kandidatura PR, Isabel. Tanba nia iha esperensia no halo jestaun diak," dehan Osório Laque iha Maliana, Kinta horseik. Nia rekonese kandidatu refere, uluk tur iha governasaun no halo mudansa buat barak no liuhosi ninia funsaun ne'ebé agora hari, hodi ajuda joven sira hetan

bolsu estudu, ajuda familia kbit laek no loke kursu lian Korea ba joven sira.

"Tempu to'o ona atu fihir feto ne'ebé mak iha potensia. Tanba, sira mak bele hatene feto sira nia terus no susar," dehan Osório.

Fatin hanesan kandidatura Prezidente Republika periodu 2022-2027, Isabel da Costa Ferreira husu ba povu sira atu ezerse sira nia direitu ho diak, bainhira hakat ba iha sentru votasaun iha loron 19 Marsu tinan ne'e.

Tanba, povu nia votu hanesan osan mean, hodi determina destinu Timor Leste ninia ba tinan lima ba oin. (any)

Lere Husu Suai Oan Fo Votus Ba Nia

DILI Post-Kandidatu numeru sorteiu 8, Tenente Jeneral Reformadu Lere Anan Timur husu ba povu Suai oan vota atu vota ba nia, tanba lori martires nain ulu nian naran atu hadia nasaun RDTL.



"Ha'u husu partisipante iha kampana ema rihun ba rihun, kuandu vota tenki vota ba Lere hodi sai Prezidenti ba periodu tinan 2022 to'o 2027," dehan Lere iha Komisui Kampana iha Munisipiu Covalima, Kinta (10/03).

Deklarasaun hanesan, Lere hato'o ona ba populausaun Eremera atu fo votus ba Nia. "Ha'u laiha osan atu fahe ba inan aman sira, maibe ha'u kuandu sai prezidenti h'au fahe domin ba inan aman iha Timor laran tomak," hateten Lere

Tanba ne'e, Ohin nia hamrik iha populausaun rihun ba rihun nia oin hodi husu bainhira iha loron 19 vota ba Kandidatu numeru 8.

Nia husu ba populausaun munisipiu Covalima atu neon nain tanba dadaun ne'e, iha politiku balun hahu lori lia bobar no osan hodi sosa povu nia votus. "Maibe inan aman moris kasian, tanba ne'e osan ne'ebé sira lori mai simu de'it, mas hateten ba sira ha'u bele simu osan, maibe ha'u sei la faan klamar no knua ba ita boot sira, ami vota ba numeru 8 hodi sira ba povu nasaun." hakotu Lere. (nicky)

Sai Politiku Atu Serbi Povu, Laos Buka Riku

MALIANA (DILI Post)- Kandidatu Prezidenti Republika (PR), ho numeru 1, Isabel da Costa Ferreira husu ba joventude sira, atu sai politiku ne'ebé di'ak tenke servi povu no laos buka riku.

Neduni hahu agora sidadaun hotu-hotu tenke prepara a'an, liu-liu ba joven sira, bainhira hakarak atu sai ema politiku tenke nakonu ho domin ba povu.

"Joven sira tenke prepara a'an, bainhira sai ona ema politiku labele buka atu hariku a'an de'it nomos grupu," dehan Isabel da Costa Ferreira iha mini kampana iha Postu Administrativu Maliana, Munisipiu Bobonaro, Kinta (10/3).

Nia mos fo hanoin ba Timor oan hanesan ema fiar nain, atu kontinua tuir dalan ne'ebé mak loos, hodi liberta povu ida ne'e husi kiak ho mukit. Tanba, atu liberta povu labele iha odiu malu.

Tanba, buat osan no poder sei la senti feliz iha ita nia a'an rasik. Tan ne'e husu ba Timor oan sira, atu hakribi hahalok odiu no viganza malu. Maske iha difrente idea ne'e laos atu odi malu no sai inimigu ba malu no lihosi difrente idea ne'e mak atu haburas demokrasi. (**)

